

# Prognostitgà cumbat filà tranter Brand e Parolini

Retschertga da l'Institut Demoscop davart las elecziuns da la regenza dals 18 da matg 2014

DA MARTIN CABALZAR

**En vista a las elecziuns circuitalas e da la regenza dals 18 da matg ha il concern da medias Samedia, RadioTelevision Rumantscha ed il Schurnal regional incaricà l'Institut Demoscop cun ina retschertgà da las prognosas.** La basa per ils resultats da questa segunda retschertga furman las respostas da 1001 personas cun dretg da vuschar or da tut las regiuns grischunas. Las personas contactadas èn vegnidas confruntadas cun la suandanta dumonda: «Il matg han lieu en il Grischun las elecziuns da la regenza. Sche questa elecziun fiss gia dumengia proxima a qual dals candidats suandants dessass Vus la vusch?»

Per contonscher ina represchentantivdad sufficienta han ins contactà a moda arbitraria e casuala chasadas grischunas. La finala èn las respostas vegnidas extrapoladas cun la structura da vegliadetgna e cun las elecziuns dal cussegl naziunal da l'onn 2011. Tenor indicaziuns da l'Institut Demoscop munta la toleranza da sbagl plus/minus 3.1%. L'emprima retschertga è vegnida fatga la fin schaner ed ils 11 da favrer, la segunda la fin d'avrigl.

## Differenzas tranter votantas e votants

Tar ils umens che van a votar para **Mario Cavigelli** dad esser il favurit cun 61%, suandà da **Barbara Janom Steiner** cun 56%, **Christian Rathgeb** cun 47%, **Martin Jäger** cun 42%, **Heinz Brand** cun 37%, **Jon Domenic Parolini** cun 36% ed **Jürg Kappeler** cun 18%.

Las dunnas dattan s'entelli la preferenza a **Barbara Janom Steiner** e quai cun bels 67%. Sin plaz dus suonda **Mario Cavigelli** cun 57%, **Martin Jäger** cun 45%, **Christian Rathgeb** cun 44%, **Jon Domenic Parolini** cun 36%, **Heinz Brand** cun 30% ed **Jürg Kappeler** cun 19%.

Entant che dapli umens che dunnas vulan votar per **Mario Cavigelli** (+4%), **Christian Rathgeb** (+3%) e **Heinz Brand** (7%), èn **Barbara Janom Steiner** (+11%), **Martin Jäger** (+3%) ed **Jürg Kappeler** (+1%) ils clers favorits da las dunnas. **Jon Domenic Parolini** para da guidair la medema simpatia tant dals umens sco da las dunnas.

## Las preferenzas da las generaziuns

Il pli grond sustegn da la giuventegna da 18 fin 34 onns ha **Mario Cavigelli** cun 47%, suandà da **Barbara Janom Steiner** cun 40%, **Christian Rathgeb** e **Martin Jäger** cun mintgamai 31%, **Heinz Brand** cun 29% ed **Jürg Kappeler** cun 19%.

Tar la generaziun da mez tranter 35 e 54 onns è **Barbara Janom Steiner** la favorita cun 67%, suandada da **Mario Cavigelli** cun 62%, **Christian Rathgeb** cun 55%, **Martin Jäger** cun 44%, **Heinz Brand** cun 34% ed **Jürg Kappeler** cun 22%.

Per la generaziun dals seniors sur 55 onns figurescha puspe **Barbara Janom** al timun cun 65%, suandà da **Mario Cavigelli** cun 62%, **Martin Jäger** cun 49%, **Christian Rathgeb** cun 44%, **Jon Domenic Parolini** cun 42%, **Heinz Brand** cun 35% ed **Jürg Kappeler** cun 18%.

Tut en tut paran nagins dals candidats da perschuader spezialmain la generaziun giunva. La generaziun mez dat la preferenza a **Barbara Janom**, **Christian Rathgeb** ed **Jürg Kappeler**, la generaziun viglia a **Martin Jäger**, **Jon Domenic Parolini** e **Heinz Brand**. **Mario Cavigelli** perschuada apparentamain tuttina bain tant la generaziun dals seniors sco la generaziun da mez.

## Las regiuns e lur favorits

**Barbara Janom Steiner** chattà il pli grond sustegn cunzunt en Engiadina ed en Surselva e quai cun 72 resp. 68%. Sin plaz 3 e 4 suondan la **Purtenza** (63%) e **Landquart/Plessur** ed en il Grischun central incl. **Plaun** (cun mintgamai 61%).

**Mario Cavigelli** vegn sustegnì il meglier en Surselva e quai cun 70%, suandà dal Grischun central/Plaun/Valrain cun 65% ed Engiadina cun 64%.

**Christian Rathgeb** sa quintar cun in bun sustegn en Engiadina (59%) ed en il Grischun central/Plaun (51%).

**Martin Jäger** è il pli bainvesi en la regiun Landquart/Plessur (52%), suandà dal Grischun central e da l'Engiadina (mintgamai 43%).

**Jon Domenic Parolini** chatta il meglier sustegn en sia patria Engiadina (62%), suandà da **Purtenza** (38%) e **Surselva** (34%).

Era **Heinz Brand** profita dal bonus da chasa en **Purtenza** (51%), suandà dal Grischun central/Plaun (35%) e **Landquart/Plessur** (34%).

**Jürg Kappeler** para dad esser enconuschent mo en la regiun Plessur/Landquart (22%) ed en il Grischun central/Plaun (21%).

En Surselva figurescha **Mario Cavigelli** sin plaz in cun 72%, suandà sin ils chaltgogns da **Barbara Janom Steiner** cun bels 68%, da **Christian Rathgeb** cun 45%, **Martin Jäger** cun 39%, **Jon Domenic Parolini** cun 34%, **Heinz Brand** cun 24% ed **Jürg Kappeler** cun 17%.

En Engiadina va **Barbara Janom** cun la plima cun 72%, suandà da **Mario Cavigelli** cun 64%, **Jon Domenic Parolini** cun 62%, **Christian Rathgeb** cun 59%, **Martin Jäger** cun 43%, **Heinz Brand** cun 25% ed **Jürg Kappeler** cun 13%.

En il Grischun central incl. **Plaun** timuna **Mario Cavigelli** la glista cun 65% suandà da **Barbara Janom** cun 61%, **Christian Rathgeb** 51%, **Martin Jäger** cun 43%, **Jon Domenic Parolini** cun 38% e **Heinz Brand** cun 35% ed **Jürg Kappeler** cun 21%.

## Ils favorits da las partidas

**Barbara Janom Steiner** (pbd) obtegna il pli grond sustegn da si' atgna partida e quai cun 87%, da la pcd cun 67%, da la pld cun 66%, da la ps cun 56% e da la pps cun 42%.

**Mario Cavigelli** (pcd) dastga quintar cun il sustegn da la pcd cun 87%, suandà da la pld cun 63%, da la pbd cun 61%, da la pps cun 50% e da la ps cun 47%.

**Christian Rathgeb** (pld) ha medemamain 87% da sia partida davos dies e vegn ultra da quai sustegnì da la bdp cun 54%, da la pcd cun 47%, da la pps cun 38%, e da la ps cun 32%.

**Martin Jäger** (ps) vegn sustegnì da sia partida cun 82%, suandà da la pbd cun 44%, la pcd cun 43%, la pld cun 39% e la pps cun 25%.

**Jon Domenic Parolini** (pbd) ha pudì augmentar questa giada il sustegn da sia partida sin 74%. Sustegn chatta el cunzunt era tar la pcd cun 43%, la ps e pld cun mintgamai 34% e tar la pps cun 13%.

**Heinz Brand** (pps) vegn sustegnì da sia partida cun 84%, suandà da la pld cun 42%, la pbd cun 22%, la pcd cun 20% e la ps cun 8%.

**Jürg Kappeler** (verd-liberal) chatta in sustegn da 38% da sia partida, mintgamai 17% da pcd, pld e pbd e 5% da la pps.

## Rangaziun dals favorits

La successiun da la rangaziun dals favorits dals socialdemocrats: **Jäger**, **Janom**, **Cavigelli**, **Kappeler**, **Parolini**, **Rathgeb**, **Brand**.

Per la pcd: **Cavigelli**, **Janom**, **Rathgeb**, **Kappeler**, **Jäger** e **Parolini**, **Brand**.


Per ils liberals: **Rathgeb**, **Janom**, **Cavigelli**, **Brand**, **Parolini** ed **Jäger**, **Kappeler**.

Per la partida bugheis democratica: **Janom Steiner**, **Parolini**, **Cavigelli**, **Rathgeb**, **Jäger**, **Brand**, **Kappeler**.

Per la partida populara svizra: **Brand**, **Cavigelli**, **Janom**, **Rathgeb**, **Jäger**, **Parolini** e **Kappeler**.

## SUSTEGN PER JON D. PAROLINI

Total en il Grischun: 36%




Demoscope, 14 - 26 d'avril 2014, n=844

Calculaziun approximativa +/- 3.1%

## SUSTEGN PER HEINZ BRAND

Total en il Grischun: 33%



Demoscope, 14 - 26 d'avril 2014, n=844

Calculaziun approximativa +/- 3.1%



Ils dus anteriurs collegas da partida **Heinz Brand pps (sen)** ed **Jon Domenic Parolini pbd** èn oz concurrents da duas diversas partidas per ina sutga en la regenza.